



სსიპ იურიდიული დანამარების სამსახური

სატენდერო დოკუმენტაცია

სარემონტო სამუშაოების შესყიდვა

გამარტივებული ელექტრონული ტენდერის საშუალებით

**თბილისი.
2016 წ.**

ინსტრუქცია ტენდერში მონაწილეობის

1. სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
2. ელექტრონულ შესყიდვებში მონაწილეობის ინსტრუქტაჟი დეტალურად ასახულია „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“-ში, რომელიც შეგიძლიათ იხილოთ შემდეგ მისამართზე: http://procurement.gov.ge/getattachment/ELibrary/Manuals/SPA_UM_for-CD.pdf.aspx
3. ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას დედანის სახით (ასლის შემთხვევაში ნოტარიულად დამოწმებული ასლი) ქართულ ენაზე.
4. დოკუმენტების ან/და ინფორმაციის უცხო ენაზე წარმოდგენის შემთხვევაში მათ უნდა დაერთოთ ნოტარიულად დამოწმებული ქართული თარგმან(ებ)ი.
5. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანებს შორის, პრიორიტეტის მინიჭების საკითხს წყვეტს სატენდერო კომისია.
6. პრედენდენტს არა აქვს უფლება წარმოადგინოს ალტერნატიული წინადადება.
7. დამატებითი ინფორმაცია შესაძლებელია მიიღოთ შემდეგი პირისგან:
ანი მამუჩიშვილი 577-217799.

ტექნიკური დავალება

ტექნიკური დავალების პირობები გათვალისწინებული იქნება შემდგომში გამარჯვებულ პრეტენდენტთან გაფორმებულ სახელმწიფო შესყიდვების შესახებ ხელშეკრულებაში.

შესყიდვის ობიექტი:

სსიპ იურიდიული დახმარების სამსახურის ქ. ფოთის რეგიონალური ოფისის სარემონტო სამუშაოები (CPV 45400000 - შენობის დასრულების სამუშაოები), მისამართი: ქ. ფოთი, გორგასლის ქ. №22-ში (I სართული), ფართი 131.2 კვ/მეტრი.

შესასრულებელი სამუშაოების აღბილი, ჩამონათვალი და წესი:

ტენდერში გამარჯვებულმა პრეტენდენტმა უნდა განახორციელოს ქ. ფოთი, გორგასლის ქ. №22-ში (საკადასტრო კოდი 04.01.09.658.01.503) მდებარე სსიპ იურიდიული დახმარების სამსახურის რეგიონალური ოფისის სარემონტო სამუშაოები სატენდერო დოკუმენტაციით გათვალისწინებული პროექტისა და დანართი №1-ში (პროექტი და დანართი №1 ერთიან ელექტრონულ სისტემაში ატვირთულია ცალკე ფაილებად და ითვლება სატენდერო დოკუმენტაციის განუყოფელ ნაწილად) მითითებული კონკრეტული სამუშაოების და მოცულობების შესაბამისად.

სამუშაოების შესრულების ვადები:

სამუშაოების წარმოება უნდა დაიწყოს ხელშეკრულების გაფორმების დღიდან და დასრულოს ხელშეკრულების გაფორმებიდან 45 კალენდარული დღის განმავლობაში.

დაზინანების წყარო:

2016 წლის სახელმწიფო ბიუჯეტი.

სატენდერო წინადადების ფასი:

- შესასრულებელი სამუშაოების ფასი უნდა შეიცავდეს მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.
- შესასრულებელი სამუშაოების საერთო და ერთეულის ფასების წარმოდგენა დასაშვებია მხოლოდ ლარებში.

ანგარიშსწორების პირობები:

- ანგარიშსწორება მიმწოდებელთან განხორციელდება ლარებში.

- ეტაპობრივი ანგარიშსწორება მიმწოდებელთან განხორციელება, შესრულებული სამუშაოების შესახებ შედგენილი შესაბამისი მიღება-ჩაბარების აქტ(ებ)ის გაფორმების, ფორმა №2-ის წარმოდგენისა და საქართველოს კანონმდებლობით დადაგენილი შესაბამისი დოკუმენტების წარმოდგენიდან 10 (ათი) სამუშაო დღის განმავლობაში.
- საბოლოო ანგარიშსწორება მიმწოდებელთან განხორციელდება შესაბამისი მიღება-ჩაბარების აქტისა და ფორმა №2-ის წარმოდგენის შემდეგ, სსიპ „ლევან სამხარაულის სახელობის ექსპერტიზის ეროვნული ბიუროს" მიერ გაცემული დასკვნის საფუძველზე. სსიპ „ლევან სამხარაულის სახელობის ექსპერტიზის ეროვნული ბიუროს" დასკვნის გაცემიდან 10 (ათი) სამუშაო დღის განმავლობაში.
- ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

შესაძლებელია განხორციელდეს წინასწარი ანგარიშსწორება არაუმეტეს ხელშეკრულების საერთო ღირებულების 30%-ისა. წინასწარი ანგარიშსწორების შემთხვევაში ანგარიშსწორება განხორციელდება მიმწოდებლის მიერ წარმოდგენილი წინასწარ გადასახდელი თანხის იდენტური ოდენობის საბანკო გარანტიის საფუძველზე. აღნიშნულ გარანტიაში მითითებული უნდა იქნას შესყიდვის კონკრეტული დასახელება, აღნიშნულ შესყიდვასთან დაკავშირებით გაფორმებული ხელშეკრულების ნომერი და პრეტენდენტის (ხელშეკრულებით – მიმწოდებლის) საიდენტიფიკაციო კოდი. აღნიშნული გარანტიის მოქმედების ვადა 40 კალენდარული დღით უნდა აღემატებოდეს სამუშაოების დასრულების საბოლოო ვადას. ავანსად გადახდილი თანხის ჩათვლა შესრულებული სამუშაოების ღირებულებაში მოხდება ეტაპობრივად შუალედური მიღება-ჩაბარების აქტების შესაბამისად.

შენიშვნა: თეთრ სიაში დარეგისტრირებული მიმწოდებლისათვის აღნიშნული გარანტიის თანხის ოდენობა ნახევრდება.

აუცილებელი პირობა:

- პრეტენდენტის მიერ შესასრულებელი სამუშაოების ღირებულებები მითითებული უნდა იქნას სატენდერო დოკუმენტაციით გათვალისწინებულ დანართი №1-ში (ხარჯთაღრიცხვა) ამავე დანართით გათვალისწინებული რაოდენობებისა და მოცულობების შესაბამისად (დანართი №1 ატვირთულ უნდა იქნას ერთიან ელექტრონულ სისტემაში).
- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20% - ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. მოცემულ შესყიდვაზე პრეტენდენტის მიერ წარმოდგენილი უნდა იქნას სსიპ „ლევან სამხარაულის სახელობის ექსპერტიზის ეროვნული ბიუროს" ან სხვა აკრედიტებული პირის (აღნიშნულ შემთხვევაში, ერთიან ელექტრონულ სისტემაში ასევე ატვირთული უნდა იქნას ექსპერტიზის დასკვნის გამცემი პირის აკრედიტაციის დამადასტურებელი დოკუმენტი) მიერ გაცემული შესაბამისი ექსპერტიზის დასკვნა. ექსპერტიზის დასკვნის წარმოდგენლობა ან/და უარყოფითი დასკვნის წარმოდგენა გამოიწვევს პრეტენდენტის დისკვალიფიკაციას შესყიდვების პროცედურიდან.
- ფასწარმოქმნის ადეკვატურობის დასაბუთებაზე ვრცელდება „გამარტივებული ელექტრონული ტენდერისა და ელექტრონული ტენდერის ჩატარების წესის

დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-12 მუხლის მე-11-მე-14 პუნქტებით განსაზღვრული წესები.

- პრეტენდენტის მიერ წარმოდგენილი უნდა იქნას (ატვირთულ უნდა იქნას ერთიან ელექტრონულ სისტემაში) სამუშაოების შესრულების დეტალური გეგმა-გრაფიკი პროექტის მიხედვით დანართი №2.
- პრეტენდენტის მიერ წარმოდგენილი უნდა იქნას (ატვირთულ უნდა იქნას ერთიან ელექტრონულ სისტემაში) ინფორმაცია შესრულებული სამუშაოების გარანტიების ვადებისა და პირობების შესახებ სატენდერო დოკუმენტაციით გათვალისწინებული დანართი №3-ის სახით და და ამავე დანართით გათვალისწინებული პირობების შესაბამისად.
- აღნიშნულ ობიექტზე სამუშაოების წარმოების პროცესში პრეტენდენტის (შემდგომში მიმწოდებლის) მიერ გამოყენებული მასალები უნდა იყოს მაღალი ხარისხის, ამასთან სამუშაო პროცესში ნებისმიერ ეტაპზე შემსყიდველის მოთხოვნის შემთხვევაში სავალდებულოა წარმოდგენილ იქნეს აღნიშნული სამუშაოებისთვის განკუთვნილი გამოსაყენებელი მასალების ნიმუშები, შემსყიდველის მიერ განსაზღვრულ ვადაში (მოთხოვნა შესაძლოა განხორციელდეს როგორც წერილობით ასევე სიტყვიერად), აღნიშნული ნიმუშები, როგორც ხარისხის, ასევე ვიზუალური თვალსაზრისით შეიძლება დაწუნებულ იქნას შემსყიდველის მიერ, რა შემთხვევაშიც სავალდებულოა დაწუნებული მასალების შეცვლა და გამოსაყენებელი მასალის წინასწარ შეთანხმება შემსყიდველთან. აგრეთვე, მიმწოდებელი ვალდებულია შემსყიდველს მოთხოვნის შემთხვევაში მიაწოდოს შესაბამისი სერტიფიკატები გამოყენებულ მასალებსა და მოწყობილობებს-დანადგარებზე.
- მიმწოდებელმა უნდა უზრუნველყოს სარემონტო სამუშაოების დროს, კომუნალური გადასახადების გადახდა.
- სამუშაოების დასრულების შემდეგ შემსრულებელი თავისი ძალებით და სახსრებით ვალდებულია სრულად გაანთავისუფლოს სამუშაო ადგილი და მისი მიმდებარე ტერიტორია სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან, სამშენებლო ნაგვისაგან/ნარჩენებისაგან და ა.შ;
- პრეტენდენტს უნდა გააჩნდეს არანაკლებ 2 წლიანი (2014 და 2015 წლები) ანალოგიური (შენობის სამშენებლო ან/და შიდა სარემონტო სამუშაოების) შესრულების გამოცდილება, რაც უნდა წარმოადგინოს ინფორმაციული ცხრილის სახით. ასევე, აღნიშნულის დამადასტურებლად, პრეტენდენტმა სისტემის მეშვეობით უნდა წარმოადგინოს უფლებამოსილი პირის ხელმოწერით დადასტურებული შესაბამისი ხელშეკრულებები და მათი შესრულების დამადასტურებელი დოკუმენტები, ან/და სახელმწიფო შესყიდვის ერთიანი ელექტრონული სისტემის მონაცემები, კერძოდ: SPA და CMR ნომრები.
- პრეტენდენტის მიერ, სატენდერო დოკუმენტაციით გათვალისწინებული დანართი №4-ის შესაბამისად ატვირთულ უნდა იქნას ერთიან ელექტრონულ სისტემაში ინფორმაცია ორგანიზაციის რეკვიზიტების შესახებ.
- შემსყიდველის მიერ მოთხოვნილი ყველა დოკუმენტი ან/და ინფორმაცია პრეტენდენტის მიერ ატვირთული უნდა იქნას ერთიან ელექტრონულ სისტემაში.
- პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან უფლებამოსილი პირის მიერ (უფლებამოსილი პირის

შემთხვევაში წარმოდგენილ უნდა იქნას, ატვირთულ უნდა იქნას ერთიან ელექტრონულ სისტემაში, ნოტარიულად დამტკიცებული უფლებამოსილების დამადასტურებელი შესაბამისი დოკუმენტი).

- შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და ნოტარიულად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში.

შენიშვნა:

ტექნიკური დოკუმენტაციის შედგენისას პრეტენდენტის მიერ გათვალისწინებული უნდა იყოს სატენდერო დოკუმენტაციით განსაზღვრული დანართების ფორმები და არსებობის შემთხვევაში მათში მითითებული აუცილებელი პირობები.

მილიანად შესრულებული სამუშაოს საგარანტიო ვადა და პირობები

დანართი №3

შესრულებული სამუშაოს დასახელება	საგარანტიო პერიოდი (ვადა)	გარანტიის პირობები	გარანტიის პერიოდში აღმოჩენილი დეფექტების აღმოფხვრის ოპერატიულობა (ვადა)
სსიპ იურიდიული დახმარების სამსახურის ძ. ფოთის რეგიონალური ოფისის სარემონტო სამუშაოები	საბოლოო მიღება-ჩაბარების აქტის გაფორმებიდან 3 (სამი) წლის განმავლობაში	საგარანტიო პერიოდში აღმოჩენილი ნებისმიერი ხარვეზის აღმოფხვრა (შეკეთება, შეცვლა ახლით), ასევე აღნიშნული სამუშაოების შესრულების პროცესში და საგარანტიო პერიოდში არახარისხივად შესრულებული სამუშაოს შეღებვად გამოვლენილი ნებისმიერი სხვა ზიანის აღმოფხვრა	შეტყობინების მიღებიდან აღნიშნულ ვადაშიან დაკავშირებით შეღებვით აღმოჩენილ აქტში მითითებული გონივრული ვადების შესაბამისად

აუცილებელი პირობა:

საგარანტიო პერიოდში, ხარვეზების გამოვლენის შემთხვევაში, ყოველ კონკრეტულ ფაქტზე მხარეები აღგენენ დეფექტურ აქტს.

შენიშვნა:

პრეტენდენტის მიერ მოცემული საგარანტიო პერიოდის გაზრდის შემთხვევაში შესაძლებელია მისი შეცვლა.

პრეტენდენტის ხელმოწერა _____
ბ.ა

/ _____ /
ხელმოწერის სახელი, გვარი

რეკვიზიტები

პრეტენდენტის დასახელება	
საინფორმაციო კოდი	
იურიდიული მისამართი	
ფაქტობრივი მისამართი	
ოფისის ტელეფონი	
მობილური ტელეფონი	
ფაქსი	
E-mail	
ხელმძღვანელის სახელი გვარი	
ხელმძღვანელის პირადი №	
მომსახურე ბანკის დასახელება, ბანკის კოდი	
ანბარიშის ნომერი	

პრეტენდენტის ხელმოწერა _____

ბ.ა

/

/

ხელმოწერის სახელი, გვარი

სახელმწიფო შესყიდვების შესახებ ხელშეკრულების პროექტი

წინამდებარე ხელშეკრულება დაიდო 2016 წლის “ ” “ ქ.თბილისში

შემსყიდველი - სსიპ იურიდიული დახმარების სამსახური, ----- სახით

მისამართი:

საბანკო რეკვიზიტები:

მიმწოდებელი -	
მისამართი, ტელეფონი -	
ხელმძღვანელი -	
საბანკო რეკვიზიტები -	

ერთის მხრივ - შემსყიდველი და მეორეს მხრივ - მიმწოდებელი, ადასტურებენ, რომ მათ შორის მიღწეულია შეთანხმება შემდეგზე: შემსყიდველმა გამოაცხადა ელექტრონული ტენდერი შესყიდვაზე:

(სამუშაოს მოკლე აღწერა)

რომელშიც გამარჯვებულად გამოვლინდა მიმწოდებლის სატენდერო წინადადება, რომლის მიხედვით მან უნდა შეასრულოს ზემოაღნიშნული სამუშაოები შემდეგ თანხაზე (მოცემული თანხა წარმოდგენილია ერთიან ელექტრონულ სისტემაში დაფიქსირებული საბოლოო თანხის შესაბამისად):

(მოუთხოვთ ხელშეკრულების თანხა ციფრებით და სიტყვიერად)

(შემდგომში „ხელშეკრულების ფასი“)

წინამდებარე ხელშეკრულება აღასტურებს შემდეგს:

- მოცემულ ხელშეკრულებაში გამოყენებული ტერმინები და გამოთქმები ატარებენ იმავე მნიშვნელობას, რაც მათ აქვთ მინიჭებული ხელშეკრულების პირობებში.
- ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს, კერძოდ:
 - წინამდებარე ხელშეკრულება;
 - მიმწოდებლის მიერ წარმოდგენილი შესასრულებელი სამუშაოების მოცულობებისა და ხარჯთაღრიცხვის ცხრილი (დანართი №1);
 - სამუშაოების შესრულების გეგმა-გრაფიკი (დანართი №2);
 - შესრულებული სამუშაოების გარანტიების ვადისა და პირობების ფორმა (დანართი №3);
 - ტექნიკური დავალება;
 - ხელშეკრულების სპეციფიკური პირობები;

შემსყიდველის მხრიდან:

მიმწოდებლის მხრიდან:

საეცოფიპური პირობები

ერთის მხრივ - შემსყიდველი და მეორეს მხრივ - მიმწოდებელი, ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების საბანო

(სამუშაოს მოკლე აღწერა)

1.1 მიმწოდებელი იღებს ვალდებულებას შეასრულოს სარემონტო სამუშაოები დანართი №1-ში მითითებული კონკრეტული სამუშაოების და მოცულობების გათვალისწინებით.

2. ხელშეკრულების ფასი

2.1 ძირითადი სამუშაოები მოცემულია დანართი №1-ში, რომელიც თან ერთვის აღნიშნულ ხელშეკრულებას და ითვლება მის განუყოფელ ნაწილად.

2.2 ხელშეკრულების ღირებულება შეადგენს:

(თანხა ციფრებით და სიტყვით)

2.3 შესასრულებელი სამუშაოების ღირებულება შეიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს, დაკავშირებულს სამუშაოების შესრულებასთან და შემსყიდველის საკუთრებაში გადაცემასთან.

2.4 ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

2.5 ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 10%-ს.

3. სამუშაოების შესრულების ვადები და მიღება-ჩაბარების წესი

3.1 მიმწოდებელი ვალდებულია დანართი №1-ით გათვალისწინებული სამუშაოები დაიწყოს ხელშეკრულების გაფორმების დღიდან და დაასრულოს ხელშეკრულების გაფორმებიდან 45 კალენდარული დღის განმავლობაში.

3.2 მიმწოდებელი ვალდებულია დანართი №1-ით გათვალისწინებული სამუშაოები განახორციელოს დანართი №2-ში (სამუშაოების შესრულების გეგმა-გრაფიკი) მოცემული გრაფიკის შესაბამისად.

3.3 ძირითადი და დამატებითი (მისი არსებობის შემთხვევაში) სამუშაოები დასრულებულად ითვლება მხოლოდ სამუშაოთა საბოლოო მიღება-ჩაბარების აქტისა და ფორმა №2-ის გაფორმებით, ხოლო ეტაპი, შეაღებური მიღება-ჩაბარების აქტისა და ფორმა №2-ის გაფორმებით.

3.4 სამუშაო ან მისი ნაწილი, რომელზეც შედგა მიღება-ჩაბარების აქტი, ითვლება შესრულებულად და შემსყიდველის მიერ მიღებულად.

3.5 თუ შემსყიდველი არ იღებს მიმწოდებლის მიერ შესრულებულ სამუშაოებს (ან მის ნაწილს), შემსყიდველმა წერილობით უნდა აცნობოს ამის შესახებ მიმწოდებელს და მიუთითოს (დაუსაბუთოს) ამ სამუშაოების მიუღებლობის მიზეზები.

3.6. ობიექტის მიღებისას, საბოლოო შემოწმების შედეგად, გამოვლენილი დეფექტის ან მისი ნაკლის აღმოფხვრას საკუთარი ხარჯებით უზრუნველყოფს მიმწოდებელი.

3.7. სამუშაოების დასრულებისას მიმწოდებელმა უნდა წარმოადგინოს ყველა ის დოკუმენტაცია, რომელიც გათვალისწინებულია კანონმდებლობით და დადგენილია სატენდერო დოკუმენტაციით.

4. მხარეთა უფლება-მოვალეობანი

მიმწოდებლის უფლება-მოვალეობანი:

4.1. მიმწოდებელი ვალდებულია სამუშაოები აწარმოოს შემსყიდველის მიერ წარდგენილი პროექტის მიხედვით.

4.2. მიმწოდებელი ვალდებულია საკუთარი მასალებითა და ხარჯებით განახორციელოს აღნიშნული სამუშაო სრული მოცულობით, ხარისხის, სტანდარტების, სამშენებლო ნორმებისა და წესების სრული დაცვით ნაკისრი ვალდებულებების საბოლოოდ შესრულებამდე.

4.3. სამუშაოების შესრულებისას მიმწოდებელი უნდა ხელმძღვანელობდეს სამუშაოების საერთაშორისო და ადგილობრივი სტანდარტებით და ნორმებით.

4.4. მიმწოდებელმა უნდა უზრუნველყოს სამუშაოების უსაფრთხოდ წარმოება და იგი პასუხისმგებელია უსაფრთხოების ნორმების დაუცველობით გამოწვეულ ნებისმიერ შედეგებზე.

4.5. მიმწოდებელი ვალდებულია მაღალხარისხოვნად შეასრულოს და დაასრულოს წინამდებარე ხელშეკრულებით გათვალისწინებული სამუშაოები და ხელშეკრულებით გათვალისწინებულ ვადაში საკუთარი სახსრებით გამოასწოროს ობიექტზე სამუშაოების ჩატარების დროს აღმოჩენილი ყველა დეფექტი.

4.6. მიმწოდებელი ვალდებულია სამუშაოების შესრულების გეგმა-გრაფიკის (დანართი №2) მიხედვით შესრულებულ სამუშაოებზე შეადგინოს შესაბამისი მიღება-ჩაბარების აქტ(ებ)ი და ხელმოსაწერად წარუდგინოს შემსყიდველს.

4.7. მიმწოდებელი ვალდებულია სამუშაოების შესრულების პროცესში გაითვალისწინოს შემსყიდველის ყველა ის შენიშვნა, რომელიც დაკავშირებულია კანონმდებლობით დადგენილ ტექნიკურ ნორმებთან.

4.8. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო ობიექტი.

შემსყიდველი ვალდებულია:

4.9. შემსყიდველი ვალდებულია უზრუნველყოს ტერიტორიის მზადყოფნა სამუშაოების დასაწყებად.

4.10. შემსყიდველი ორგანიზაცია ვალდებულია ხელშეკრულებით ნაკისრი ვალდებულებების სრულად და ჯეროვნად შესრულებისათვის აუნაზღაუროს მიმწოდებელს შესრულებული სამუშაოს საფასური.

4.11. შემსყიდველი უფლებამოსილია არ მიიღოს უფლებრივი ან ნივთობრივი ნაკლის მქონე შესრულებული სამუშაოები.

5. სხვა ვალდებულებები

5.1. შემსყიდველი უფლებამოსილია უარი განაცხადოს არახარისხოვნად შესრულებული სამუშაოს მიღებაზე, რაც დაუყოვნებლივ უნდა აცნობოს მიმწოდებელს წერილობითი სახით, სადაც დასაბუთებული უნდა იქნეს აღნიშნული გადაწყვეტილება.

5.2. ძირითადი სამუშაოები მოცემულია ხელშეკრულების დანართი №1-ში (ხარჯთაღრიცხვა), რომელიც წინამდებარე ხელშეკრულების განუყოფელი ნაწილია. დამატებით სამუშაოებზე (მისი არსებობის შემთხვევაში) მხარეები უნდა შეთანხმდნენ არაუგვიანეს ძირითად სამუშაოების დასრულებამდე, რაზეც უნდა გაფორმდეს ორივე მხარის მიერ ხელმოწერილი დოკუმენტი დამატებითი სამუშაოების მითითებით, აღნიშნულის გამო სამუშაოების შესრულების ვადის გაზრდის აუცილებლობის შემთხვევაში გაზრდილი ვადის მითითებით და აღნიშნული სამუშაოების დამატების გამო ფასის ცვლილების შემთხვევაში შეცვლილი ფასის მითითებით.

5.3. შემსყიდველის მიერ აღნიშნულ სამუშაოებში რაიმე ცვლილებების შეტანის შემთხვევაში, დამატებით სამუშაოზე ფორმდება ორივე მხარის მიერ ხელმოწერილი შესაბამისი დოკუმენტი.

5.4. აღნიშნულ ობიექტზე სამუშაოების წარმოების პროცესში პრეტენდენტის (შემდგომში მიმწოდებლის) მიერ გამოყენებული მასალები უნდა იყოს მაღალი ხარისხის, ამასთან სამუშაო პროცესის ნებისმიერ ეტაპზე შემსყიდველის მოთხოვნის შემთხვევაში სავალდებულოა წარმოდგენილ

იქნას აღნიშნული სამუშაოებისთვის განკუთვნილი გამოსაყენებელი მასალების ნიმუშები, შემსყიდველის მიერ განსაზღვრულ ვადაში (მოთხოვნა შესაძლოა განხორციელდეს როგორც წერილობით ასევე სიტყვიერად), აღნიშნული ნიმუშები, როგორც ხარისხის, ასევე ვიზუალური თვალსაზრისით შეიძლება დაწუნებულ იქნას შემსყიდველის მიერ, აღნიშნულ შემთხვევაში სავალდებულოა დაწუნებული მასალის შეცვლა და გამოსაყენებელი მასალის წინასწარ შეთანხმება შემსყიდველთან.

5.5. შემსყიდველი არ აგებს პასუხს მიმწოდებლის მიერ აღნიშნული სამუშაოებისთვის განკუთვნილი მასალების, ასევე მიმწოდებლის მანქანა-დანადგარების, მოწყობილობების, ინვენტარისა და სხვა მატერიალური ფასეულობების შენახვის უსაფრთხოებაზე, მის მთლიანობასა და განადგურებაზე.

5.6. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

5.7. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

6. ხელშეკრულების შესრულების კონტროლი

6.1 მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე შესყიდვის ობიექტის ხარისხზე შემსყიდველის მხრიდან კონტროლს განხორციელებს სსიპ იურიდიული დახმარების სამსახურის მიერ გამოყოფილი უფლებამოსილი პირ(ები).

6.2. 3.3, 3.7 და 4.6 პუნქტებით გათვალისწინებული დოკუმენტაციის სისრულეზე და რეალობაზე პასუხისმგებელია 6.1 პუნქტში მითითებული პირ(ები).

7. შესრულებული სამუშაოების ხარისხი და გარანტია

7.1 შესრულებული სამუშაოების საგარანტიო პერიოდი და პირობები განსაზღვრულია №3 დანართით. საგარანტიო ვადის ათვლა დაიწყება საბოლოო მიღება-ჩაბარების აქტზე ორივე მხარის მიერ ხელმოწერის დღიდან.

7.2 მიმწოდებელი იძლევა გარანტიას, რომ სამუშაოები მის მიერ შესრულებული იქნება მაღალხარისხოვნად, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს საგარანტიო პერიოდში აღმოჩენილი ნებისმიერი ხარვეზის აღმოფხვრა, ასევე აღნიშნული სამუშაოების შესრულების პროცესში და საგარანტიო პერიოდში არახარისხოვნად შესრულებული სამუშაოს შედეგად გამოვლენილი ნებისმიერი სხვა ზიანის აღმოფხვრა შემსყიდველის მხრიდან შეტყობინების მიღებიდან №3 დანართით განსაზღვრული პირობების შესაბამისად.

7.3 ამ ხელშეკრულებით გათვალისწინებული სამუშაოების წარმოების პერიოდში, აგრეთვე საგარანტიო ვადაში მიმწოდებლის მიერ შემსყიდველზე ანდა მესამე პირზე მიყენებული ზიანის რისკი ეკისრება მიმწოდებელს.

8. ანგარიშსწორება

8.1 ანგარიშსწორება მიმწოდებელთან განხორციელდება ლარებში.

8.2 ეტაპობრივი ანგარიშსწორება მიმწოდებელთან განხორციელდება, შესრულებული სამუშაოების შესახებ შედგენილი შუალედური მიღება-ჩაბარების აქტ(ებ)ის გაფორმების, ფორმა №2-ის წარმოდგენისა და საქართველოს კანონმდებლობით დადაგენილი შესაბამისი დოკუმენტების წარმოდგენიდან 10 (ათი) სამუშაო დღის განმავლობაში. ობიექტზე სამუშაოების დასრულებისას შედგენილ ბოლო შუალედურ მიღება-ჩაბარების აქტის და ფორმა №2-ის მიხედვით გადახდა არ განხორციელდება. საბოლოო ანგარიშსწორება მიმწოდებელთან განხორციელდება საბოლოო მიღება-ჩაბარების აქტისა და ფორმა №2-ის წარმოდგენის შემდეგ, სსიპ „ლეგან სამხარაულის სახელობის ექსპერტიზის ეროვნული ბიუროს" მიერ გაცემული დასკვნის საფუძველზე. სსიპ „ლეგან სამხარაულის სახელობის ექსპერტიზის ეროვნული ბიუროს" დასკვნის გაცემიდან 10 (ათი) სამუშაო დღის განმავლობაში.

8.3. ანგარიშსწორების ვალუტა - ლარი.

8.4 ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

8.5 შესაძლებელია განხორციელდეს წინასწარი ანგარიშსწორება არაუმეტეს ხელშეკრულების საერთო ღირებულების 30%-ისა. წინასწარი ანგარიშსწორების შემთხვევაში ანგარიშსწორება განხორციელდება მიმწოდებლის მიერ წარმოდგენილი წინასწარ გადასახდელი თანხის იდენტური ოდენობის საბანკო გარანტიის საფუძველზე. აღნიშნულ გარანტიაში მითითებული უნდა იქნას შესყიდვის კონკრეტული დასახელება, აღნიშნულ შესყიდვასთან დაკავშირებით გაფორმებული ხელშეკრულების ნომერი და პრეტენდენტის (ხელშეკრულებით – მიმწოდებლის) საიდენტიფიკაციო კოდი. აღნიშნული გარანტიის მოქმედების ვადა 40 კალენდარული დღით უნდა აღემატებოდეს სამუშაოების დასრულების საბოლოო ვადას. ავანსად გადახდილი თანხის ჩათვლა შესრულებული სამუშაოების ღირებულებაში მოხდება ეტაპობრივად შუალედური მიღება-ჩაბარების აქტების შესაბამისად.

8.6 წინასწარ ანგარიშსწორების შემთხვევაში მიმწოდებელი ვალდებულია წინასწარ მიღებული თანხები გამოიყენოს მხოლოდ ამ ხელშეკრულებით გათვალისწინებული ვალდებულებების შესრულების მიზნით. შემსყიდველის მოთხოვნის შემთხვევაში წარმოდგენილ უნდა იქნას აღნიშნული ფაქტ(ებ)ის დამადასტურებელი დოკუმენტ(ებ)ი.

8.7. 8.2 პუნქტის შესრულებისათვის, წარმოდგენილი დოკუმენტაციის სისრულეზე და რეალობაზე პასუხისმგებელია 6.1 პუნქტში მითითებული პირ(ებ)ი.

9. მხარეთა პასუხისმგებლობა

9.1. შემსყიდველი უფლებამოსილია ამ ხელშეკრულების სპეციფიკური პირობების 3.1, 5.4 ან/და 7.2 პუნქტებით გათვალისწინებული ვადების გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხლო ყოველ გადაგადაცილებულ დღეზე ხელშეკრულების საერთო ღირებულების 0.1%-ის ოდენობით.

9.2. მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში შემსყიდველი უფლებამოსილია დააკისროს მიმწოდებელს ჯარიმა ხელშეკრულების ღირებულების 5%-ის ოდენობით.

9.3. იმ შემთხვევაში თუ 9.1. პუნქტის შესაბამისად დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს შემსყიდველ ორგანიზაციას უფლება აქვს ცალმხრივად შეწყვიტოს ხელშეკრულება.

10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა, ფორს-მაჟორული სიტუაციის დადგომის ვადით, და არ გამოიწვევს საჯარიმო სანქციების გამოყენებას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

11. სხვა პირობები

11.1. ეს ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის ————— ჩათვლით.

11.2. მხარეთა შორის სადაო საკითხები წყდება მხარეთა მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.

11.3. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

11.4. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა აცნობოს მეორე მხარეს 10 დღით ადრე.

11.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.6. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

11.7. ეს ხელშეკრულება დადებულია სატენდერო დოკუმენტაციით, განზრახვათა შესახებ ხელშეკრულებითა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით გათვალისწინებული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:
